


**Paolo Giardelli, *La paura – Lupi, licantropi, streghe, fantasmi*, Pentàgora, Savona 2014, pagg. 334**

A poia a l'è 'n sentimento ch'o sèrve a òmmi e bestie p'avardàse da-i pericoli e donca l'è ben ch'a l'existe, ma l'òmmo o sa anche che gh'è 'na cōsa che de seguio a no se peu evità, a mòrte, e questo pensceo o ghe remescia inta pansa e o fabrica tutte quelle poie che co-a raxon no gh'an ninte da vedde. Questo libro, che l'è fōscia ben leze de matin e no de seia, se se veu dormì senza pezoìn, o parla a reo da poia do lô, de quella de strie, a poia de chi no l'è comme tutti i atri, a poia di mòrti che ritòrnan. O l'è in libro scentifìco, perché l'aotò o l'è 'n antropòlogo e inte urtime pàgine 'na psicòloga, Maria Chiara Basadonne, a ne spiega a poia cōs'a l'è.



**Giustina Olgiati (a cura di), *Tutti i genovesi del mondo – La grande espansione commerciale (secoli XI-XVI)*, Brigati, Genova 2015, pagg. 228**

O l'è o catalogo de 'na bèlla mostra fæta a l'Archivio de Stato in Sant'Ignàcio, a Caignan, inte l'aotunno de l'anno apenn-a pasòu. O primmo di documenti espòsti, tutti datæ tra o XII e o XVII secolo, o l'ea a *Bonna Parolla*, 'na longhiscima litania (trascrita e riportà inte l'apendice) che i mainæ e i mercanti reçitâvan primma de metise in viàgio e afrontâ tanti pericoli. I atri en contræti e atti stipolæ in tutto o mondo aloa conosciuo, perché i zeneixi anavan dapertutto dove gh'ea da vende o da-acatâ. 'Na parte de questi documenti en stæti restaoræ co-o contributo de privæ, ditte e asociaçioìn che, comme A Compagna ascì, àn aderio a l'iniçiativa "*Adotta un documento*" (<http://www.asgenova.beniculturali.it/index.php?it/151/adotta-un-documento>).



**I soci de A Compagna, *Coæ de contase – Stöie de zeneixi – Voglia di raccontarsi – Storie di genovesi*, Ligurpress, Genova 2015, pagg. 304**

L'anno pasòu i sòcci da Compagna ean stæti invitæ a scrive in racontin ch'o stesse ciù ò meno inte 'na pagina: se ghe fise sciortio materiale bastante se ne saiéiva fæto in libro. Àn risposto in 94, quarchedun o s'è in pö alargòu e o l'à inpio ciù de 'na pagina, quarchedùn o l'àiva tanto da dì ch'o l'à scritto ciù de in racontò, coscì in totale s'è arivæ a 111 racontin, o libro o s'è posciuo fâ, o l'è stæto prezentòu in Sarzan e o l'è anæto subito ezaorio. En tutte stöie scrite co-o cheu, con l'anima avèrta: no senpre i zeneixi son "seræ", e stavòtta saveivan d'èse tutti amixi, compagni inta Compagna e pe questo segui d'acapise tra de lô anche inti sentimenti ciù intimi.

Chi à scritto in italian e chi in zeneize: o nòstro prescidente o gh'à misso man e o libro o l'à e pagine despe in zeneize e a fronte a traduçion italiann-a.



Raccomandiamo ai nostri collaboratori di inviare alla Redazione del Bollettino testi preferibilmente scritti a computer (carattere Times new Roman corpo 10, salvato in Word.doc) corredati da materiale informativo-illustrativo (foto ecc.) attinente l'argomento trattato.

Si ricorda che il materiale inviato **non si restituisce** e che la Redazione - in accordo con l'Autore - si riserva di esaminare ed uniformare ed eventualmente correggere o tagliare (*senza, ovviamente, alterarne il contenuto*) i testi inviati e di deciderne o meno la pubblicazione.

Chi possiede un indirizzo di posta elettronica è pregato di darne comunicazione a:

**posta@acompagna.org**

**Grazie**